

Hóflæg hækkun á nettó virði eigna á fyrri árshelmingi

- Nettó virði eigna* nemur 196 milljónum evra um mitt ár 2011 samanborið við 193 milljónir í upphafi árs. Þetta samsvarar 2% hækkun á tímabilinu.
- Tap tímabilsins nam 13 milljónum evra. Óinnleystur hagnaður af hlutabréfum í Marel er ekki færður til bókar, hvorki í rekstrarreikningi né efnahag, og skýrir það að mestu mismunin á rekstrarafkomu og breytingu eignavirðis.
- Bókað eigið fé Eyrir hinn 30. júní 2011 er 173 milljónir evra og eiginfjárhlutfall reiknast 48% samanborið við 44% í árslok 2010. Vaxtaberandi skuldir Eyrir Invest lækka um 52 m evra á fyrri árshelmingi 2011.
- Horfur í rekstri Eyrir og kjarnaeigna eru góðar. Félögin eru með sterka fjárhagsstöðu í samræmi við stefnu og alþjóðleg viðmið, með nettó skuldir á bilinu 2-3x EBITDA

Kjölfestueignir Eyrir eru 36% hlutur í Marel og 17% hlutur í Stork BV sem á og rekur iðnfyrirtækin Stork Technical Services og Fokker Technologies. Að auki fjárfestir Eyrir í ýmsum sprotafyrirtækjum og styður þau til vaxtar. „Kaupa og styðja til vaxtar“ stefna Eyrir hefur skilað góðri ávöxtun frá stofnun félagsins árið 2000.

*) Nettó Virði Eigna (Net Asset Value) er reiknað sem markaðsvirði eigna að frádregnum nettó skuldum.

Árni Oddur Þórðarson, forstjóri Eyrir:

„Stærstu áskoranir um þessar mundir felast í því ójafnvægi sem ríkir í efnahagslífi heimsins. Á undanförnum mánuðum höfum við séð matvæla- og orkuverð hækka um tugi prósent. Aukin fjárfesting í nýrri og betri tækni til að auka framleiðni í matvælageiranum og orkuiðnaði er nauðsynleg og eina raunhæfa leiðin til að mæta sívaxandi eftirspurn á heimsvísu.

Innri vöxtur Marel á fyrri árshelmingi nam 19% og pantanabók hefur aldrei verið sterkari. Kjúklinga-, fisk- og kjötf framleiðendur eru að endurnýja framleiðslutækin og reisa nýjar verksmiðjur til að mæta sívaxandi eftirspurn neytenda, einkum í S-Ameríku, Asíu og A-Evrópu.

Stork Technical Services (STS) styrkti stöðu sína með kaupunum á RBG og jók þannig umsvif sín á nýjum og vaxandi mörkuðum. Nú eru um 15.000 starfsmenn hjá STS sem þjónusta olíu-, gas- og orkuiðnað á Benelux svæðinu, Norðursjó, Kaspíahafi, Mið-Austurlöndum og S-Ameríku.

Við erum ánægð með þann árangur sem hefur náðst á fyrri hluta ársins. Kjölfestueignir okkar eru vel staðsettar innan atvinnugreina sem búa við góðan vöxt og horfur eru góðar.“

Lykiltölur – Rekstrarreikningur

(í þús. evra)	2011/6m	2010/6m	2010	2009*
Rekstrartekjur:				
Afkoma af verðbréfum og verðbréfaafleiðum	-15.165	10.991	64.851	4.992
Afkoma hlutdeildarféлага	2.583	4.663	7.491	-13.116
Vaxtagjöld, nettó	-5.487	-7.071	-15.873	-13.592
Gengismunur	5.531	-4.612	-3.254	183
Hreinar rekstrartekjur	-12.538	3.971	53.215	-21.533
Rekstrargjöld:				
Laun og launatengd gjöld	451	459	836	889
Annar rekstrarkostnaður	370	264	560	1.241
Rekstrargjöld	821	723	1.396	2.130
Afkoma tímabilsins	-13.359	3.248	51.819	-23.663
Rekstrarliðir færðir beint á eigið fé samtals	-190	3.137	-18.639	-7.696
Heildarhagnaður ársins	-13.549	6.385	33.180	-31.359
Hagn. á hlut, evrucent (hver hlutur 1 ISK)	-0,0133	0,0032	0,05	-0,02

*) 2009 tölur aðlagðar yngri tölum, þar sem gangvirðisbr. London Acquisition (Stork) er færð meðal afkomu af verðbréfum

Lykiltölur – Efnahagsreikningur

Eignir:	2011/6m	2010	2009	2008
Handbært fé og bundnar bankainnistæður	12.274	22.758	27.526	40.732
Fjárfestingaverðbréf	174.320	256.835	167.909	168.244
Hlutdeildarfélag	167.533	143.602	208.631	227.710
Aðrar kröfur	2.764	1.201	615	12.741
Rekstrarfjármunir	2.126	2.050	2.119	2.180
Eignir samtals	359.017	426.446	406.800	451.607
Eigið fé og skuldir:				
Eigið fé	173.098	186.648	153.469	184.185
Ýmsar skuldir	226	1.908	373	29.351
Lántaka	185.693	237.890	252.958	238.071
Eigið fé og skuldir samtals	359.017	426.446	406.800	451.607
Eiginfjárhlutfall	48,2%	43,8%	37,7%	40,8%

Helstu viðburðir H1 2011

Innri vöxtur Marel nam 19% á H1 2011

Eyrir bókar eign sína í Marel samkvæmt hlutdeildaraðferð. Hinn 30. júní 2011 var eignarhluturinn bókaður á 64 evrusent á hlut, samanborið við markaðsverð upp á 72 evrusent á hlut (121 ISK) á sama tíma.

Í mars og maí 2011 jók Eyrir við eignarhlut sinn í Marel, úr 31,7% upp í 35,6%. Rekstur Marel á fyrri árshelmingi 2011 gekk vel. Innri vöxtur sölu nam 19% á tímabilinu, ofan á góðan tekjuvöxt árið 2010. EBIT var innan 10-12% markmiðs félagsins og hagnaður eftir skatta jókst um 57% frá fyrri árshelmingi 2010, sem má að verulegu leyti rekja til ávinnings af hagstæðri langtímafjármögnun sem Marel tryggði sér undir lok árs 2010.

Sala á hlutabréfum í Össuri

Össur tryggði sér hagstæða langtímafjármögnun hjá þremur alþjóðlegum bönkum á fyrsta ársfjórðungi 2011. Í maí seldi Eyrir öll hlutabréf sín í Össuri eftir að hafa verið leiðandi fjárfestir í

félaginu í sjö ár sem einkenndust af auknum umsvifum og alþjóðavæðingu. Í kjölfar sölunnar hefur Eyrir greitt niður skuldir, en alls nemur lækkun nettó skulda Eyrir á fyrri árshelmingi um 52 milljónum evra.

Stork Technical Services eykur umsvif með yfirtöku á RBG

Í maí 2011 keypti STS skoska félagið RBG. Kaupin styrkja stöðu STS á nýjum og vaxandi mörkuðum en nú starfa 15.000 manns hjá STS sem þjónusta olíu-, gas- og orkuiðnað á Benelux svæðinu, Norðursjónum, Kaspíahaf, Mið-Austurlöndum og S-Ameríku. Kaupin á RBG skapa margvíslega möguleika til kostnaðarhagræðingar og aukinnar sölu.

Stork Technical auka umsvif og rekstrarhagnað um þriðjung við innkomu RBG. Tekjur Fokker Technologies aukast um 11% á fyrri árshelmingi með óbreyttum rekstrarhagnaði á milli ára. Fjármögnun Stork samstæðunnar er til lengri tíma og eru nettó skuldir um x3 EBITDA eftir kaupin á RBG.

Samkomulag um Lífeyrissjóð Stork

Á fyrri árshelmingi náðist samkomulag milli Lífeyrissjóðs Stork (Stork Pension Fund), hollenska félagsins Stork BV, Marel, og fleiri fyrirtækja sem áður voru hluti af Stork samtæðunni, um fyrirkomulag skuldbindinga fyrirtækjanna gagnvart Lífeyrissjóði Stork. Samkomulagið felur í sér að skuldbindingar Stork og Marel gagnvart sjóðnum takmarkast héðan í frá við fastar greiðslur án tillits til ávöxtunar.

Horfur

Horft fram á veginn er búist við góðum vexti og virðisaukningu í þeim atvinnugreinum sem kjölfestueignir Eyrir Invest tilheyra; matvæla-, orku- og flugiðnaði. Á síðastliðnum árum hafa lykilfélög Eyrir stöðugt styrkt markaðsstöðu sína og eru vel í stakk búin til að njóta góðs af vexti markaða. Afkoma getur verið breytileg frá ári til árs.

Reykjavík, 29. ágúst 2011

Frekari upplýsingar:

Árni Oddur Þórðarson, forstjóri Eyrir Invest

Sími: 525-0200

www.eyrir.is

Um Eyri

Eyrir er alþjóðlegt fjárfestingarfélag sem leggur ríka áherslu á virka þátttöku í rekstri og stefnumörkun lykileigna sinna. Eyrir Invest var stofnað um mitt ár 2000.

Athygli fjárfesta er vakin á eftirfarandi

Sumar staðhæfingar í þessari fréttatilkynningu kunna að vera byggðar á mati og áætlunum stjórnenda félagsins en ekki á staðreyndum sem hægt er að sannreyna við birtingu hennar. Í eðli sínu fela slíkar staðhæfingar því í sér óvissu. Við vekjum þess vegna athygli fjárfesta á því að margir þættir geta haft þau áhrif að rekstrarumhverfi og afkoma verði með öðrum hætti en forsendur gera ráð fyrir í þessari tilkynningu. Tilkynningin verður ekki endurskoðuð eftir birtingu hvað þetta varðar.